



**PROSJEKTPESIFIKASJON SKAGANESET OG KVALVÅGEN – KULTURMINNE – OG  
FRILUFTSOMRÅDE**

## **Innhold**

1. Prosjektnamn.....	2
2. Prosjektmål .....	2
3. No-situasjon: .....	2
4. Skildring av prosjektet .....	2
4.1 Omfang .....	3
4.2 Gjennomføring av prosjektet .....	3
4.3 Innhold i forprosjekt: Kulturformidling – historia om Kvalvågen og steinalderbuplassane i området.....	3
4.4 Innhold i hovedprosjektet: Tilretteleggje Skaganeset/ Kvalvågen til friluftsområde, synleggjere alle kulturminna og gjere dei tilgjengeleg for publikum i kultrurminneløypa	4
4.5 Samarbeidspartnarar .....	4
4.6 Prosjektperiode .....	5
5. Prosjekt organisasjon .....	5
6. Ressursbruk/ økonomi .....	5
6.1 Utgifter.....	5
6.2 Inntekter.....	5

## 1. PROSJEKTNAMN

Skaganeset og Kvalvågen – kulturminne – og friluftsområde

## 2. PROSJEKTMÅL

Hovudmålet er å ta vare på – og å formidla kunnskap knytt til kulturminna rundt Kvalvågen, samt formidle historie når ein går i eit naturlandskap med mange kulturminne. Kunnskap og gode opplevingar kombinert med fysisk aktivitet gjev grunnlag for god folkehelse.

Prosjektet vi bli organisert som to delprosjekt som vil ha desse måla:

- Formidle den spesielle og unike historia om kvalfangsten i Kvalvågen frå tidleg tid/ steinalder, samt utvikle Kvalvågen som ein attraksjon / reiselivsprodukt knytt til kulturminna i området
- Utvikle og etablere ei turløype i eit naturlandskap med mange kulturminne. Føremål er å synleggjere, formidle informasjon og opplevingar, kombinert med helsefremjande aktivitet.

Det skal utarbeidast ein felles prosjektplan for delprosjekta, og slik ivareta heilskapen i området.

## 3. NO-SITUASJON:

Heile området – Skaganeset og Kvalvågen med si unike kvalfangsthistorie, har både nasjonal og internasjonal kulturminneverdi.

Sund kommune har laga kulturminneplan som skal vedtakast i kommunestyret våren 2017. I denne planen er utvikling av Skaganeset som eit kultur- og friluftsområde ei prioritert satsing. Kommunen deltar også i prosjektet Kartlegging og verdsetting av viktige friluftslivsområde. Saman med Sund turlag er kommunen engasjert i rydding og merking av turstiar. Det er viktig å sjå dette prosjektet i samanheng med utviklinga av Skaganeset/ Kvalvågen, då turstiane går forbi kulturminna. Dei arkeologiske kulturminna i området er det veldig få som har kjennskap til og kunnskap om.

Det er ein rettskraftig reguleringsplan for Skaganeset. Reguleringsplanen omfattar store areal avsett til LNF-område, der det er lagt inn omsynssone for å sikre kulturlandsskapet langs Kvalvågen. Det er også innarbeidd bandleggingssoner for lokalitetar med automatisk freda kulturminne.

## 4. SKILDRING AV PROSJEKTET

#### *4.1 Omfang*

Sund kommune har i samråd med overordna kulturminnemynde sett som mål å lage ein forvaltningsplan for dei areala som er regulerte på vest- og sørsida av næringsområdet på Skaganeset. Forvaltningsplanen skal vere eit praktisk hjelpemiddel til å oppretthalde og fremje føremålet med å ta vare på området, samt sørge for at ein unngår tilfeldige einskilde avgjerder som kan vere uheldige for verneverdiane. Forvaltningsplanen skal samstundes sikre ein heilskapleg forvaltning av verneområdet ved å gje konkrete retningsliner om bruk, informasjon, skjøtsel, tilrettelegging mv. Forvaltningsplanen er ein del av dette prosjektet.

#### *4.2 Gjennomføring av prosjektet*

Arbeidet vil i den samla prosjektplanen bli delt inn i forprosjekt og hovudprosjekt. Prosjektleiarmetoden PLP skal nyttast systematisk i all leiing og overordna arbeid i prosjektet. All prosjektdokumentasjon skal utarbeidast i høve til denne metoden.

I forprosjektet skal det takast stilling til om det er grunnlag for å gå i gang med hovudprosjektet, som då vert å planlegge og iverksetje satsingar/ tiltak ein har konkludert med i forprosjektet.

#### *4.3 Innhold i forprosjekt: Kulturformidling – historia om Kvalvågen*

Det er gjort både kartlegging og registreringar av kulturminne i Kvalvågen, men det står ein del att. Sentrale tema i forprosjektet vert å systematisere registreringane, samla meir dokumentasjon og planleggja korleis kommunen kan leggja til rette for opplevelingar og kunnskapsformidling om dei verdifulle kulturminna:

- Få informasjon om historie frå Kvalvågen både frå «kjentfolk», sogelaget samt frå ekspertar/ fagmiljø til dømes frå Universitetet i Bergen
- Registrere alle kulturminne som har med Kvalvågen å gjere
- Registrera steinalderbuplassene i området på kart
- Få oversikt over og registrere alle skriftelege kjelder om historie i Kvalvågen
- Kunnskapsformidling til elevar gjennom samarbeid med både grunnskule og vidaregåande
- Planlegge informasjonsmateriell – utarbeida eit hefte om kulturminneturar med utvalde kulturminne
- Utarbeide ein plan for kunnskapsformidling ved m.a. å utvikle ein «reiselivspakke»
- Kartlegge utsiktpunkt
- Rydding av områder med gamle utsiktsplassar mot Kvalvågen

Sentralt i dette forprosjektet er å kontakte, få dialog og samarbeid til grunneigarar - få deira synspunkt for disponering av LNF- områda og om ynskjeleg sokja statleg innløysing av friluftsområda m.m.

#### *4.4 Innhold i hovudsprosjekter: Tilretteleggje Skaganeset/ Kvalvågen til friluftsområde, synleggjere alle kulturminna og gjere dei tilgjengeleg for publikum.*

Dette er gjennomføringsdelen der bygging og tilpassing av turstiar, skilting og infotavler om kulturminna er det sentrale. Vi skal få fortalt ei interessant og spanande historie når ein går i kulturminneløypa. Det er aktuelt med guiding.

Vi ynskjer å samarbeide med Bergen og omland friluftsråd (BOF) til evt kjøp av friluftsområde som vert regulert til kulturminne/ landskapsvern.

- Utgreie moglegheit for bygging av bru frå Kjølpo til Stekholmen
- Tilrettelegge for badeplass både i Skagatonjen og i Skagakjødnna
- Leggje til rette for tilkomst til området:
  - Sjøvegen: Båtar skal kunne leggje til i området
  - Pr. bil/ buss: Parkering (mellombels og permanent)
- Arbeide med å skaffe finansiering tildømes gjennom sponsorar

#### *4.5 Samarbeidspartnarar*

I gjennomføringa av heile prosjektet er det viktig å spele på både offentlege og private verksemder, samt friviljuge organisasjonar og lokale eldsjeler. Det er etablert samarbeid med sentrale aktørar. Eit viktig arbeid i begge forprosjektet vert å formalisere samarbeidet gjennom avtalar. Både Riksantikvaren og Hordaland fylkeskommune kjenner til kulturminneverdiane i området og er positive til at vi får utvikla det til beste for innbyggjarar og tilreisande.

Følgjande aktørar er særleg viktige samarbeidspartnarar:

- Bergen og Omland Friluftsråd
- Grunneigarar
- Riksantikvaren
- Hordaland fylkeskommune
- Kulturavdelinga og Arealavdelinga i kommunen
- Lokale lag
- Reiselivslaget i Bergen
- Skogsvåg skule og Sotra vidaregåande skule, avdeling Sund
- Sund sogelag
- Sotra Steinindustri AS
- Sund turlag
- Universitetet i Bergen

#### *4.6 Prosjektpériode*

Ein ser føre seg at forprosjektet vil vare i ein periode på eit år. Prosjektpériode for gjennomføring av hovudprosjektet er estimert til å vare i to år.

## 5. PROSJEKT ORGANISASJON

- **Oppdragsgjevar/ prosjekteigar:** Sund kommunestyre
- **Styringsgruppe:** Saksgruppe næring og utvikling
- **Prosjektgruppe:** Representantar frå:  
Fylkeskommunen, Sotra Stein industri v/ Edgard Bjarøy, rep. frå grunneigarane, Bergen og omland friluftsråd, kultur og arealavdelinga i kommunen samt prosjektleiar.
- **Prosjektansvarleg:** Rådmannen
- **Prosjektleiar:** Engasjementstilling med ekstern utlysing

## 6. RESSURSBRUK/ ØKONOMI 1.PROSJEKTÅR (2017)

### 6.1 Utgifter

• Lønsutgifter til prosjektleiar	kr 600.000
• Informasjonsmateriell	kr 50.000
• Fasilitering – møtekostnadar	kr 5.000
• Reisekostnadar for prosjektleiar	kr 10.000
Sum	kr 665.000

### 6.2 Inntekter

• Kommunale midlar/frivilliginnsats	kr 165.000
• BARK- midlar	kr 400.000
• Andre midlar (eksterne prosjektmidlar)	kr 100.000
Sum	kr 665.000